



বাংলাদেশ সিকিউরিটিজ অ্যান্ড এক্সচেঞ্জ কমিশন

সিকিউরিটিজ কমিশন ভবন, ই-৬/সি আগারগাঁও, শের-ই-বাংলা নগর প্রশাসনিক এলাকা, ঢাকা-১২০৭, বাংলাদেশ।

সূত্র নং- বিএসইসি/সার্ভাইল্যান্স/মুখপাত্র (৫ম খন্ড)/২০১৯/১৩৬

তারিখঃ ১৫ কার্তিক ১৪২৬ বঙ্গাব্দ
৩১ অক্টোবর ২০১৯ খ্রিষ্টাব্দ

প্রেস বিজ্ঞপ্তি

৭০৩ তম কমিশন সভা অদ্য ৩১/১০/২০১৯ তারিখে কমিশনের সভা কক্ষে চেয়ারম্যান ড. এম. খায়রুল হোসেন এর সভাপতিত্বে অনুষ্ঠিত হয়। সভায় অন্যান্যের মধ্যে নিম্নবর্ণিত সিদ্ধান্ত গৃহীত হয়েছেঃ

১. পুবালা ব্যাংক লিমিটেড এর ৭৫০ কোটি টাকার Non-convertible Subordinated Floating Rate Bond এর প্রস্তাব কমিশন অদ্যকার সভায় অনুমোদন করেছে, যার মেয়াদ হবে ০৭ বছর। এই বন্ডের বৈশিষ্ট্য হচ্ছে Non-convertible, Unlisted Subordinated Bond। বন্ডটি ০৭ বছরে পূর্ণ অবসায়ন হবে যা শুধুমাত্র আর্থিক প্রতিষ্ঠান, কর্পোরেট বডি, ফান্ডস, ইস্যুরেস কোম্পানী ইত্যাদি এবং যে কোন যোগ্য ব্যক্তিদের প্রাইভেট প্রেসমেন্টের মাধ্যমে ইস্যু করা হবে। উল্লেখ্য, এই বন্ড ইস্যুর মাধ্যমে বিভিন্ন প্রতিষ্ঠান থেকে অর্থ উত্তোলন করে পুবালা ব্যাংক লিমিটেড কোম্পানীর Tier-II Capital Base শক্তিশালী করবে। এই বন্ডের প্রতি ইউনিটের অভিহিত মূল্য ৭৫০,০০,০০০/- (সাত কোটি পঞ্চাশ লক্ষ) টাকা। এই বন্ডের ট্রাস্টি হিসাবে গ্রীন ডেল্টা ইস্যুরেস কোম্পানী লিমিটেড কাজ করছে।
২. ইউনাইটেড ফাইন্যান্স লিমিটেড এর ১০০ কোটি টাকার Non-convertible Zero Coupon Bond এর প্রস্তাব কমিশন আজকের সভায় অনুমোদন করেছে, যার মেয়াদ হবে ০৪ বছর। এই বন্ডের বৈশিষ্ট্য হচ্ছে Non-convertible, Zero Coupon Bond। বন্ডটি ০৪ বছরে পূর্ণ অবসায়ন হবে যা প্রাতিষ্ঠানিক বিনিয়োগকারী এবং উচ্চ সম্পদধারী ব্যক্তিগণের (high net worth individuals) কে প্রাইভেট প্রেসমেন্টের মাধ্যমে ইস্যু করা হবে। উল্লেখ্য, এই বন্ড ইস্যুর মাধ্যমে বিভিন্ন প্রতিষ্ঠান থেকে অর্থ উত্তোলন করে কোম্পানিটি সম্ভাব্য অবকাঠামো ও এসএমই প্রকল্পে বিনিয়োগের জন্য অর্থায়ন ত্বরান্বিত করবে। এই বন্ডের প্রতি ইউনিটের অভিহিত মূল্য ২৫,০০,০০০/- (পঁচিশ লক্ষ) টাকা। এই বন্ডের ট্রাস্টি হিসাবে এমটিবিএল ক্যাপিটাল লিমিটেড এবং ম্যানডেটেড লিড অ্যারেঞ্জার হিসাবে ইস্টার্ন ব্যাংক লিমিটেড কাজ করছে।
৩. শাহ্ মোহাম্মদ সগীর (ডিএসই ট্রেক নং ১৭১) এর বিরুদ্ধে বিভিন্ন অভিযোগের কারণে তার ট্রেড বর্তমানে বন্ধ রয়েছে। তাছাড়া ১৩/১০/২০১৯ তারিখে অনুষ্ঠিত ৭০০তম জরুরি কমিশন সভার সিদ্ধান্ত অনুযায়ী এই প্রতিষ্ঠানের ডিপজিটরি পার্টিসিপেন্ট কার্যক্রম বন্ধ রয়েছে। নবস্থাপিত কাস্টমার কমপ্লেইন্ট গ্র্যাডুয়েস মডিউল (সিসিএএম) এর মাধ্যমে এই প্রতিষ্ঠানের বিরুদ্ধে কমিশন অদ্যাবধি ৪৮টি অভিযোগ পেয়েছে যার মধ্যে বেশিরভাগ অভিযোগ আইপিও এর জন্য জমা দেয়া টাকা ফেরত না পাওয়া সংক্রান্ত। এই প্রতিষ্ঠানের বিষয়ে কমিশন ১৭ অক্টোবর, ২০১৯ তারিখে ডিএসই এর চেয়ারম্যান এবং ডিএসই ব্রোকার্স এসোসিয়েশন অব বাংলাদেশ এর সভাপতির কাছে দুইটি পৃথক চিঠি প্রেরণ করে। চিঠিতে কমিশন গ্রাহকদের সম্পদ রক্ষার জন্য এই দুই প্রতিষ্ঠানের সরাসরি কার্যকর ভূমিকা রাখার আহ্বান জানানো হয়। তবে এতে এখনও পর্যন্ত কোন ফল পাওয়া যায়নি। কমিশনের নির্দেশে ইতোমধ্যে ডিএসই একটি পরিদর্শন পরিচালনা করে। পরিদর্শন প্রতিবেদনে দেখা যায় গ্রাহকদের বিপুল অংকের টাকা এই প্রতিষ্ঠান আত্মসাত করেছে। এমতাবস্থায়, আজকের সভায় নিম্নোক্ত সিদ্ধান্ত গৃহীত হয়ঃ
 - (ক) ডিএসইকে শাহ্ মোহাম্মদ সগীর এর বিরুদ্ধে The Securities and Exchange Rules, 1987 এর Rule 3(1A) অনুযায়ী গ্রাহকদের পাওনা পরিশোধের ব্যবস্থা অনতিবিলম্বে গ্রহণ করার নির্দেশ প্রদান করা হবে। এই ধারা অনুযায়ী ব্রোকারেজ প্রতিষ্ঠানে নিবন্ধন সনদ বাজেয়াপ্ত করে তা বিক্রির মাধ্যমে গ্রাহকদের পাওনা পরিশোধ করার ব্যবস্থা করার কথা বলা হয়েছে।
 - (খ) এই আত্মসাতের জন্য যারা দায়ী তাদের বিরুদ্ধে ফৌজদারী কার্যবিধি অনুযায়ী মামলা দায়ের করার জন্য ডিএসইসিকে নির্দেশ প্রদান করা হবে।
৪. মেসার্স এ, কাশেম এন্ড কোঃ, চার্টার্ড একাউন্টেন্টস -কে জেনারেশন নেক্সট ফ্যাসনস লিমিটেড (GNFL) এর ডিসেম্বর ৩১, ২০১৪ এবং ডিসেম্বর ৩১, ২০১৫ এর সমাপ্ত বছরের বার্ষিক হিসাববিবরণী এবং utilization of rights issue proceeds এর বিশেষ নিরীক্ষার জন্য বিশেষ নিরীক্ষক নিয়োগ দেওয়া হয়েছিল। বিশেষ নিরীক্ষক এর রিপোর্ট অনুযায়ী জেনারেশন নেক্সট ফ্যাসনস লিমিটেড (GNFL) নিম্নলিখিত সিকিউরিটিজ আইনের লংঘন করেছেঃ



বাংলাদেশ সিকিউরিটিজ অ্যান্ড এক্সচেঞ্জ কমিশন


সিকিউরিটিজ কমিশন ভবন, ই-৬/সি আগারগাঁও, শের-ই-বাংলা নগর প্রশাসনিক এলাকা, ঢাকা-১২০৭, বাংলাদেশ।

- (ক) ডিসেম্বর ৩১, ২০১৪ এবং ডিসেম্বর ৩১, ২০১৫ এর সমাপ্ত বছরের বার্ষিক হিসাববিবরণী International Accounting Standards অনুসারে পূর্ণাঙ্গভাবে প্রস্তুত করতে ব্যর্থ হওয়ার মাধ্যমে the Securities & Exchange Rules, 1987 এর Rule12(2) লংঘন করেছে;
- (খ) যথাযথভাবে রাইট শেয়ার ইস্যু তহবিল ব্যবহার করতে ব্যর্থ হওয়ার মাধ্যমে Rights Share Offer Document (ROD) এর Paragraph-8(k) এর Implementation Schedule এবং Rights Share Offer Documents (ROD) এর Condition Requirements 14 ও 18 লংঘন করেছে;
- (গ) অডিট ফর্ম হিসেবে ATA Khan & Co., Chartered Accountants দ্বারা ধারাবাহিকভাবে ৩ বছরের অধিক নিরীক্ষা করার মাধ্যমে কমিশনের সংশ্লিষ্ট আদেশ লংঘন করেছে; এবং
- (ঘ) Head of Internal Audit এবং independent directors যথাযথ নিয়মে নিয়োগ না দেওয়ার মাধ্যমে কমিশনের Corporate Governance Guidelines এর শর্ত লংঘন করেছে।

উক্ত সিকিউরিটিজ আইন ও বিধি-বিধান লংঘনের জন্য কমিশন অদ্যকার সভায় জেনারেশন নেক্সট ফ্যাসনস লিমিটেড (GNFL) এর প্রত্যেক পরিচালক (স্বতন্ত্র পরিচালক ব্যতীত) -কে ৫ (পাঁচ) লক্ষ টাকা করে জরিমানা করার সিদ্ধান্ত গ্রহণ করেছে।

এছাড়া, ATA Khan & Co., Chartered Accountants বিধিবদ্ধ নিরীক্ষক হিসেবে জেনারেশন নেক্সট ফ্যাসনস লিমিটেড (GNFL) কে বিধি বহির্ভূতভাবে তিন বছরের অধিক নিরীক্ষা করায় এবং ATA Khan & Co., Chartered Accountants উপরোক্ত সিকিউরিটিজ আইন ও বিধি-বিধানসমূহের লংঘন তার Audit opinion এ অন্তর্ভুক্ত করতে ব্যর্থ হওয়ায় সিকিউরিটিজ আইন ও বিধি-বিধানসমূহ লংঘিত হয়েছে।

উক্ত সিকিউরিটিজ আইন ও বিধি-বিধানসমূহ লংঘনের জন্য কমিশন অদ্যকার সভায় ATA Khan & Co., Chartered Accountants এর বিষয়টি ব্যবস্থা গ্রহণের জন্য Institute of Chartered Accountants of Bangladesh (ICAB) তে প্রেরণ এবং কমিশনের অডিটর প্যানেল থেকে ATA Khan & Co., Chartered Accountants কে বাদ দেওয়ার সিদ্ধান্ত গৃহীত হয়।



মো: সাইফুর রহমান
নির্বাহী পরিচালক ও মুখপাত্র।